

Taitus Le Leta Pol Le Rorori Utu iviva

Taitus iye ma Jiu loloniye, ko kaero iye raloñweloñweghathi, na e mbañako iyako i thalavugha Pol na thi vakatha kaiwo lemoyo. Pol va i roriya letake iyake na i variye weya Taitus, iye amba tabwagħha, na għarathalavu ina e raurau Krit e tine. Pol va i roitete gheko na i njimbukikiya ekelesiya kakaiwoniye gheko.

Vakatha Vangothiye 28 i woraŋgiya Pol ve ru e thiyo Rom na i roroghagħha le kot kaiwae. Iyako e ghoreiye thi rakayathu, na ra għaregħare tevambe i vakathava vagħiliya thegħevariniye. Ghayamoyamo nġoreiye ele vagħiliyako iyako weieme Taitus thi wa Krit na vethi vavagharewe. Raurauke iyake ina e Njighi Meditareiniyan e tine, ina Grik na eto (e yagħalaniyeko).

Mbaña Pol i iteta Krit, Taitus vambe i reyaku gheko na i vakathanġi kaiwo vavana (1:5). Va mbaña reghava amba Pol i roriya letake iyake na i variye weya Taitus. Letake iyake e tine Pol i vanuwovira Taitus renuwa ja theghħeto kaiwanji.

I viva i vanuwoviri ngorongħa ekelesiya għar-randeviva ghathana vav (1:5-9). Thegħewoniye i giya ghathalavu ngorongħa ne inja na i vavaghare wengħiġa wabwi na wabwi ekelesiyako e tine, nġoreiġa giyagiya moli, elaela na mbala thi valawē wengħiġa gagħamina, theghha na

rakakaiwobwaga. Na momouniye tembe i vavurighegheJAVA Tatus Kristiyan yawaliye na ghathanavu, ɳgoreiya gharemalili, ghayamoyamo i warawarari, na thava botewoyathu na dageghatuthi thanavuniye i yomarawe; na tembe ɳgoreiyeva ekelesiya e tine thava wabwi na wabwi thi yomara (Vaŋgothiye 2 na 3).

¹ Ghino Pol, Loi le rakakaiwo, na Jisas Krais ghaliŋae gharaghambi. Lo kaiwoke iyake ya thalavuŋgiya Loi le tututhi gharighariniye thi mbuthu e lenji loŋweghathī na thi vurigheghe. Na tembe ɳgoreiyeva, thi ghareghare emunjoruko mbala ghanjithanavuko iya Loi nuwaiyako. ² Iyake kaiwae lenji gharematuwo i laghiye e yawali memeghabananiye kaiwae Loi va i dagerawe amba tuyai yambaneke i yomara. Na Loi ma i kwan. ³ Ko iyemaŋge e ghambanjako moli tine Loi va i woraŋgiya Totoke Thovuye yawalike memeghabananiye iyake kaiwae. Va i vakatha iyake elo vavaghareke tine. Loi iye ghanda Ravamoru va i wogiya kaiwoke iyake wenjo na ya vakatha wagiyawe.

⁴ Letake iyake ghino Pol ya rori na ya variye i ghaona e ghen Tatus. Ghen na ghino la loŋweghathī regha na ghen ɳgorana naruŋgu moli.

Ya nango weya Loi Ramanda na Krais Jisas ghanda Ravamoru mbe gharenji e ghen na lenji gharemalili i riyevanjara gharena.

Tatus ghakaiwo Krit e tine

⁵ Va ya roitetenge e raurau Krit tine, na mbala u vanamweŋgiya kaiwona iya ma e

ghanjivakathana, na e ghembaghembra regha na regha tinenji u tuthingiya ekelesiya ghagiyagiya ɳgoreiya va ya utuma e ghen. ⁶ Ekelesiya gharandeviva ghambaro ɳgoreiyake: ghathanavu i thovuye na thava e ghawonjowe regha, levo mbe eundaenje na le ɳganja thiye raloɳwelonwegoɳghathi, thava utuninji i thari ɳgoreiya thi vakavakatha bwagabwaga na ma e lenji yavwatata. ⁷ Ekelesiya gharandeviva iye i njimbukikiya Loi le kaiwo, iya kaiwae thava e ghawonjowe regha, thava weiyə għamberegha le renuwaña, thava le għatem-muru i maya, thava ravotha e mun mbwa vurīgħegħe, thava vata le gaithi, na thava iye lolo regha valikaiwae i kwaniyarongiġa għarīghar i na mbala i wo mani wengi. ⁸ Ko iye-maenje iye ravavanjamwe regha, le renuwaña na le vakatha i thovuye wengiġa għarīghar, le vakatha i rumwaru wengiġa għarīghar, ghathanavu i thovuye na i rumwaru, na mbe għamberegha i thanavu. ⁹ Totoko emunjoru iya kaerova thi vavagharekowe wo i vikikighħathi, mbala iye valikaiwae i vavurīgħegħenjaŋgi e vavaghare rumwarumwaruniye e tine, na valikaiwae thavala thi wovatharitħarija vavaghare rumwarumwaruniye i govarumwaruya lenji renuwañako wolagħiye.

¹⁰ Ya utuña thiyan kaiwae għarīghar i lemo mbe inanjiwe, iya ma thi wovatha ekelesiya lenji randeviva ghaghomba ndegħħathi, na mbema thi utu bwagabwagaenje na thi yarongiġa għarīghar. Iyake emunjoru moli wengiġa wabwi wabwira, iya thiñake,

“Ralonjwelonjweghathike wolaghiye wo thi wo kiteniyathu thanavuniye ɳgoreiye Jiu lenji mbaro.” ¹¹ Wo u dageteniŋgi moli kaiwae renuwaŋako iya mbala thava thi vavaghareŋako thiye thi vavaghareŋa, i vakatha gharighari vavana weinjiyangiya lenji ɳganga, thi ndeghereiyewana emunjoruko. Thi vakatha ɳgoreiyako kaiwae mbema nuwanjiya enge thi yarongiya gharighari na thi mbanan lenji maniwe. ¹² Mbe thiye Krit lenji rathimbathimba regha me vivako, va inja, “Thiye Krit mbaŋako wolaghiye rakwaningi. Thiye ɳgoranjiya mbwanjam. Thiye rayaku bwagabwaga na ɳganjanirangi.” ¹³ Utuutuke iyake emunjoru moli. Iya kaiwae u ɳaebaruru wanaŋgi na mbala thi loŋweghathi enge vavaghare emunjoru. ¹⁴ Lenji renuwaŋana thava tembe i wawa Jiu lenji utu bwagabwaga o gharighariko iya thi botewoyathu vavaghare emunjoruko lenji mbaro. ¹⁵ Thavala thi kalekaleva Loi e marae, bigibigike wolaghiye i kalekaleva moli weŋgi na valikaiwae thi mban na thi vakaiwoŋang. Ko iyemaenje thavala thi mbighi Loi e marae na ma e lenji loŋweghathi, ma bigi regha i kalekaleva moli weŋgi. Emunjoru lenji renuwaŋa i mbighi na ma thi ghareghare rumwaru na thari ghanjitomethi. ¹⁶ Thiŋava thiye thi ghareghareya Loi, ko iyemaenje lenji vakathako i woraŋgiya thi roghereiyewana. Thiye ɳgoranjiya njako vwatavwata na ma thi ghambugha Loi, na ma valikaiwanji thi vakatha bigi thovuye regha.

2

Tatus mbala i vavaghareja vavaghare rumwarumwaruniye

¹ Ko iyemaenge ghen u vavaghareja the thanavu i reja ḥgoreiya renuwaṇa rumwarumwaruniye. ² U vavaghare wengiya amaamala na thi njimbukikiya ghanjithanavu, ghanjithanavu ḥgoreiye gharighari thi yavwatata wanangi, ghanjithanavu i rumwaru, tembe ghanjimberegha thi thanavu, lenji lonwegrathathi i rumwaru, lenji gharethovu i riyevanjarangi wengiya ghanjiune, na thi rouda wagiyawe.

³ Tembe ḥgoreiyeva u vagharenjiya elaelana na ghanjithanavu iya i vatomwe thi yavwatatawana Loi. Thava thi liya ghanjiune ghanjiutu, na thava mbwa vurigheghe i mbaronangi. Iyemaenge thi vavaghareja enge thovuye thanavuniye, ⁴ na mbala thi valawe wengiya wanakau tabwagha na thi gharethovu wengiya lenji ghimoghimoru na lenji ḥgaṇga, ⁵ tembe ghanjimberegha thi thanavu, lenji vakatha i thovuye, thi kaiwo wagiyawe e lenji ḥgolongolo, gharenji i thovuye, na thi ghambugha lenji ghimoghimoru lenji mbaro. Mbala thi vakatha ḥgoreiyako, na ma valikaiwae gharighari thi wovatharithariṇa Loi le utu.

⁶ Tembe ḥgoreiyeva u giya utu vavurigheghe wengiya ghimoghimoru tabwagha na tembe ghanjimberegha thi njimbukikiŋgi. ⁷ E len vakathana wolaghiye tine mbe i thovuye vara, na ghen u tabo lenji ghamba ghaghayawo. Mbaṇa

u vavaghare wengiya gharighari ne u ndevakatha kwan regha, na len vavagharena mbe i woraŋgiya emunjoru ghanyawwatatawana.

⁸ E len utuutu tine mbe u ndetuthi enge ŋgoroŋga ne uŋa, mbala mane lolo regha i wovatharitħarinja. Na tembe ŋoreiyeva mbala għanithiġiyanġina thi monjina ja kaiwae ma valikaiwanji thi utuvathar i kaiwanda.

⁹ U dage wengiya rakakaiwobwaga na thi ghambugha għanġirambarombaro lenji renuwa ja e bigibigike wolagħiye tine na thi vakatha budakai ne thi wararija. Ne thi ndegogonjogħha lenji utuutu wengi ¹⁰ o thi kaivi wengi. Ko iyemaenje, mbañake wolagħiye lenji vakathako mbala i woraŋgiya thiye thi thovuye na emunjorungi. Lenji vakathako iyako mbala i womena tarawa weya vavaghareke iya Loi ghanda Ravamoru kaiwaeke.

¹¹ Ralonwelonwiegħathi mbala għanjithanavu ŋgoreiyako kaiwae Loi ghare wengi kaero i woraŋgiya na valikaiwae għarīgharik wolagħiye thi vaidiha għanġivamoru. ¹² Ghareko iyako weinda i vagħareında na mbala mbañake iyake ra roiteta yawali raithar i na iya nuwandake i għangowa bigibigike e yambaneke, na la yakuyaku mbala għandamberegha ra njimbukikind, la vakatha i rumwaru na budakaiya ra vakatha mbe i vawararija Loi; ¹³ mbaña amba ra roroghagħha warariko ghambanja amba i menamenako kaiwae. Ne e mbañako iyako la Loi lagħiye na Ravamoru, Jisas Krais, ne i njogħama weiye le vwenyevvwenye. ¹⁴ Va i vatomweya

ghamberegha kaiwanda na mbala i vamoruinda tharike wolaghiye e tinenji na i vakathainda gharighari rumwarumwaruniye na Krais mbe ghamberegha vara le gharighara ghinda na nuwandake wo ina wevara thovuye ghavakatha.

¹⁵ Iya kaiwae, u vavagharenja iya bigibigike wolaghiye thiylake na u ndeghathi e len ghamba ndeghathina mbaña u vavavurigheghe ralonwelonweghathina na thi vakathanji na u ɳaebaruru wanangi. Thava lolo regha i ghimaranjonjanjonjange!

3

Kristiyan yakuyakuniye

¹ Wo u vanuwoviringiya ralonwelonweghathi na thi ghambugha rambarombaro na randeviva lenji mbaro, thi vandene na thi ghambugha ghaliyanji, na mbanjake wolaghiye kaero thi vivathanjanji na thi vakatha kaiwo thovuye wolaghiye. ² U dage wenji na thava thi utuutuvathari lolo regha kaiwae, ko iyemaenje mbe ghare i udauda, na gharenji wenji na ghanjithanavu i ghenenja moli wenjiya gharigharike wolaghiye. ³ Va mbananiye ghinda vambe unounovara ghinda na mavra ra ghambugha Loi na vavana va thi yaroinda. The bigibigija riwandake nuwaiya na i wararija, thi ɳgariinda na ra vatomweya yawalinda thari e ghavakatha na yamwanja thanavuniye. Ghinda ra botewoyathunjiya ghandaune na thiye tembe thi botewoyathuindava. ⁴ Va ɳgoranda iyako, ko iyemaenje mbaña Loi

ghanda Ravamoru i woranjeiya ghare weinda na i gharethovuinda,⁵ i vamoruinda. Ma ghinda la vakatha thovuye kaiwae na i vamoruinda, ko iyemaenje mbe ghamberegha vara le gharevirí e tine. I thavwiyyathu la thari na i vakatha ra ghambi togha na i vatoghanjagi yawalinda. Va i vakatha iyake ele wogiya Nyao Boboma na i yaku weinda.⁶ Weya Jisas Krais la Ravamoru Loi i lingiya Nyao Boboma riyeriyevanjaraniye weinda.⁷ I wovarumwarumwarunjaında kaiwae mbe ghare vara weinda, mbala ra tabona le gamagai, iya kaiwae weinda la gharematuwo ne ra vaidiya yawali memeghabananiye.⁸ Utuutuko thiylako emunjoru moli na valikaiwae ra lojweghathi. Nuwañguke nuwaiya u vavurighegheña ghanjirerenuwaña bigibigiko thiylako kaiwanji, na mbala thavala kaero thi lojweghathigha Loi, thava thi renuwaña valawe, mbema thi vatomwenji enge na thi vakavakatha kaiwo thovuye. Utuutuko thiylako thi thovuye na valikaiwae i thalavunjiya gharigharike wolaghijiye.

⁹ Ko iyemaenje gharighari lenji utu bwagab-waga na lenji ghathambothambo u botewoyathu. Thiye thi utuña riuriu molamolao kaiwanji na thi wogaithi Moses le mbaro kaiwae. Bigibigiko thiylako ma e ghanjithovuye na ma valikaiwae i thalavunjiya gharighari.¹⁰ Thela i vavamurughare u dageten. Thonjo kaero u dageten mbañaiwo na ma i wovatha ghaliñjan, u roitete na thava len renuwaña regha tembe inaweva.¹¹ U għareghare wagiyawwe għarīghar iż-ġoranjiyako emunjoru kamwathiniye kaero thi

roitete na thi thari. Lenji thariko tembe i wovatharitharinji.

Dage mwaewo

¹² Mbanja ne ya variya Atemas o Taikikas na i ghaona e ghen, u rovurigheghe na u mena wenjo e ghembä idae Nikopolis e tine, kaiwae kaero mendava lo renuwaña ḥgoreiye na ne njighinjighi ghambanja va yaku gheko. ¹³ U rovurigheghe na u vanamwe Jinas iye mbaro gharaghareghare na Apolos lenji kamwathi. U thalavunji na thava thi kwara e bigi regha lenji longalonga kaiwae. ¹⁴ U vakatha ḥgoreiyake na tembe u vavagharenjiva la gharigharina na thi vatomwenji e vakatha thovuye ghanjivakatha na mbala valikaiwanji thi thalavunjiya thavala i tubo wenji, na mbala yawalinjiko une ve yomara.

¹⁵ Gharigharike thiylake weinguyanji, taulaghike thi mwaewo e ghen. Tembe u utugiyava lama mwaewo wenjiya ralonjwelonjweghathì thavala thi gharethovu weime.

Loi ghare i yaku taulaghina wenja.

**Toto Thovuye Loi Ghaliŋae
The New Testament plus Ruth and Jonah in the
Sudest language of Papua New Guinea
Buk Baibel long tok ples Sudest long Niugini**

copyright © 2014 Wycliffe Bible Translators, Inc.

Language: Sudest

Dialect: Tagula

Translation by: Wycliffe Bible Translators

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-09-23

PDF generated using Haiola and XeLaTeX on 11 Nov 2022 from source files dated 9 Oct 2020

7a63d67b-b890-5db0-8880-b6fd64f3b62f